



Број/Број: 03-50-1-60/10

Сарајево/Sarajevo 22.06.2010. godine

**ZABILJEŠKA SA SASTANAKA ODBORA ZA ŽALBE GRAĐANA
PARLAMENTARNE SKUPŠTINE BIH I DRŽAVNE AGENCIJE ZA ISTRAGE I
ZAŠTITU I GRANIČNE POLICIJE BIH
održanog 17.06.2010. godine**

U četvrtak, 17.06.2010. godine, članovi Odbora za žalbe građana Parlamentarne skupštine BiH održali su sastanak sa predstavnicima Državne agencije za istrage i zaštitu i Granične policije BiH, sukladno Zaključku donesenom na 11. sjednici Odbora za žalbe građana Parlamentarne skupštine BiH, održanoj 14.06.2010. godine.

Ispred Odbora za žalbe građana Parlamentarne skupštine BiH, sastancima su nazočili: Mate Miletić – predsjednik, Amela Bašić – prva zamjenica predsjednika, Ermin Pešto, Marijan Milićević, Danica Berić i Hamida Karčić – članovi, te Željko Grubešić – savjetnik i Aida Kreho – privremena tajnica. Opravdano nenazočan bio je Borislav Radić.

Ispred Državne agencije za istrage i zaštitu sastanku je nazočio Mirza Lišinović - pomoćnik direktora u Odjelu za unutarnju kontrolu, dok su Graničnu policiju BiH na sastanku predstavljali Mugdim Vranac - načelnik Ureda za profesionalne standarde i unutarnju kontrolu i Rasim Ređo – inspektor za profesionalne standarde, razvoj načela i procedura Ureda za profesionalne standarde i unutarnju kontrolu.

Tema sastanka bila je unapređenje suradnje Odbora za žalbe građana Parlamentarne skupštine BiH sa Državnom agencijom za istrage i zaštitu i Graničnom policijom BiH, te usklađivanje podzakonskih akata kojima se regulira način postupanja sa žalbama građana na rad policijskih službenika Bosne i Hercegovine u ovim agencijama, sa Zakonom o nezavisnim i nadzornim tijelima policijske strukture Bosne i Hercegovine i Poslovníkom o radu Odbora za žalbe građana.

Generalni stav članova Odbora za žalbe građana i predstavnika policijskih agencija Bosne i Hercegovine jeste da problemi u suradnji ne postoje, ali da se procedure i način

dostavljanja predstavki građana trebaju precizno urediti. Jedan od načina jeste detaljno propisati procedure i način postupanja sa predstavkama građana putem Instrukcije o postupanju jedinica za profesionalne standarde, na čijoj izradi već radi Odbor (Konferencija) direktora policijskih agencija na državnom nivou. Predstavnicima policijskih agencija obvezali su se na vrijeme obavijestiti Odbor za žalbe građana o aktivnostima na izradi Instrukcije, s ciljem aktivnog uključivanja članova Odbora za žalbe građana u rad Odbora direktora.

Na sastanku, jednoglasno su usvojeni sljedeći zaključci:

1. Državna agencija za istrage i zaštitu i Granična policija BiH obavezuju se *hitno izvještavati*, odnosno, dostavljati sve vrste prigovora građana na rad policijskih službenika BiH Odboru za žalbe građana Parlamentarne skupštine BiH, *odmah* po njihovom zaprimanju.
2. Zaprimljene predstavke građana na rad policijskih službenika Bosne i Hercegovine dostavljat će se posredstvom kurira.
3. Na svakoj pojedinačnoj predavci građanina, naznačit će se ime, prezime i kontakt podaci osobe zadužene za postupanje po predavci ispred odgovarajuće policijske agencije, s ciljem ostvarivanja direktnog kontakta sa članom Odbora za žalbe građana Parlamentarne skupštine BiH koji je zadužio predmet ispred Odbora.
4. Državna agencija za istrage i zaštitu i Granična policija BiH uskladit će svoje interne procedure o postupanju po zaprimljenim prigovorima građana na rad policijskih službenika BiH sa Zakonom o nezavisnim i nadzornim tijelima policijske strukture Bosne i Hercegovine i Poslovníkom o radu Odbora za žalbe građana Parlamentarne skupštine BiH.

Zabilješku sačinila

Aida Kreho,

privremena tajnica Odbora

za žalbe građana PSBiH